



I. PRINCIPADO DE ASTURIAS

• OTRAS DISPOSICIONES

CONSEYERÍA DE CULTURA Y TURISMO

RESOLUCIÓN de 27 d'avientu del 2010, de la Conseyería de Cultura y Turismu, pola que s'aprueba la convocatoria del "Premiu al Meyor Cantar" en llingua asturiana o gallego-asturianu.

Esamináu l'espediente de referencia resulten los siguientes:

Fechos

Primero.—La difusión, fomentu y normalización social del asturianu y, nel so ámbitu, del gallego-asturianu nes sos diverses manifestaciones, acordies colo dispuesto nel Estatutu d'Autonomía del Principáu d'Asturies y la Llei 1/98, de 23 de marzu, d'usu y promoción del bable/asturianu, impliquen l'atención a los diversos sectores sociales, culturales y empresariales qu'intervienen nel procesu. Nesti sentíu, l'artículu 13 de dicha Llei refierse de manera espresa a la protección de la música n'asturianu en cuantes que manifestación cultural y artística, polo que la Conseyería de Cultura y Turismu vien disponiendo una serie d'acciones que contribuyan a la proyección de la cultura musical que se manda de la llingua asturiana o del gallego-asturianu.

Segundo.—Fomentar la creatividá musical contribúi ensin dulda nenguna a desenvolver la bayura cultural de la sociedá. Sábase tamién que la música, que naz de la voluntá de creación y comunicación, conlleva una dedicación de tiempu y esfuerzu susceptible de ser reconocida y incentivada polos poderes públicos.

Tercero.—Poru, la Conseyería de Cultura y Turismu considera que procede la convocatoria del "Premiu al Meyor Cantar" na so quinta edición, dirixíu a consolidar, arriquecer y prestixar la llingua y la cultura asturiana, na creencia, amás, de qu'actuaciones como ésta contribuin de manera eficaz a dinamizar l'actividá cultural de la Comunidá Autónoma, y n'especial un aspectu tan importante de la mesma como ye'l de la creación musical.

Cuarto.—Por Resolución de 23 d'avientu del 2010 apruébense les bases reguladores del "Premiu al Meyor Cantar".

A estos fechos aplíquense-yos los siguientes

Fundamentos de derechui

Primero.—L'artículu 3 del Decretu 71/92, de 29 d'ochobre, que regula'l Réxime Xeneral de Subvenciones, en rrellación col artículu 38 de la Llei 6/1984, de 5 de xunetu, del Presidente y del Conseyu de Gobiernu; l'artículu 5 del Decretu 34/2008, de 26 de payares, de Reestructuración de les Conseyerías qu'integren la Comunidá Autónoma, mesmo que l'artículu 10 de la Llei 2/1995, de 13 de marzu, de Réxime Xurídicu de l'Alministración del Principáu d'Asturies; too ello tocántenes la determinación de les competencies y facultaes p'adoptar la presente Resolución.

Segundo.—Ye aplicable lo dispuesto na Llei 38/2003, de 17 de payares, Xeneral de Subvenciones y el Decretu 71/1992, de 29 d'ochobre, de Réxime Xeneral de Concesión de Subvenciones.

Conforme lo espuesto y acordies colo previsto nos artículos 8c) y 41 del Testu refundíu del réxime económicu y presupuestariu, aprobáu pol Decretu llexislativu del Principáu d'Asturies 2/1998, de 25 de xunu, pola presente, elévase la siguiente,

Resolución

Primero.—Aprobar la convocatoria, en réxime de concurrencia competitiva, del "Premiu al Meyor Cantar" na so quinta edición.

Segundo.—La presente convocatoria va mandase poles bases reguladores aprobaes por Resolución de 23 d'avientu del 2010 de la Conseyería de Cultura y Turismu.

Tercero.—A esta convocatoria del "Premiu al Meyor Cantar" van poder presentase los músicos, a títulu individual o dientro de grupos, que comercializaran dalguna canción orixinal de cualesquier xéneru a lo llargo del añu 2010, quedando escluíes les pieces tradicionales yá esistentes, les versiones o adaptaciones d'obres de creación publicaes orixinalmente n'otra llingua, y les canciones que nun fueran editaes y grabaes la primer vez nel periodu referíu.

Cuarto.—Los intérpretes o grupos interesaos tienen que presentar solicitú según modelu normalizáu qu'acompaña a esta convocatoria (Anexu I). Les solicitúes tienen que se presentar nel Rexistru Xeneral Central de l'Alministración del Principáu d'Asturies (Edificiu Alministrativu, c/ Coronel Aranda, s/n, planta plaza, sector central, Uviéu) o por cualesquier de los medios establecíos nel artículu 38 de la Llei de Réxime Xurídicu de les Alministraciones Públiques y del Procedimientu Alministrativu Común. Si n'usu d'esti derechu la solicitú ye remitida per corréu, tien que se presentar en sobre abiertu pa que la solicitú sía fechada y sellada por personal de correos.



La presentación de la solicitud de participación conlleva la autorización expresa para que el órgano instructor recueya de la Hacienda del Principáu d'Asturies, de l'Axencia Estatal de l'Alministración Tributaria y de la Tesorería Xeneral de la Seguridá Social l'estáu de les obligaciones tributaries autonómiques, estatales y frente a la Seguridá Social.

Quinto.—Los interesaos tienen que presentar o unviar hasta'l 21 de xineru del 2011 la documentación que s'indica de siguío:

Solicitud en modelu normalizáu (anexu I).

Declaraciones responsables (anexu II).

CD onde se recueya la canción escoyida pol grupu o intérprete pa concurrir al premiu.

Currículum del solista o grupu, incluyendo rellación nominal de componentes y instrumentos que toquen.

Lletra de la canción escoyida, debidamente mecanografiada.

Sesto.—Acabáu'l plazu de presentación de solicitúes, éstes van ser valoraes por un Xuráu que va presidir quien sía titular de la Dirección Xeneral de Política Llingüística (o persona en quien delegue). El Xuráu va ser nomáu por resolución de la Conseyera de Cultura y Turismu y va tar formáu por un máximu de nueve y un mínimu de cinco persones rellacionaes col ámbitu de la música asturiana.

Séptimo.—La selección va tener dos fases. La primer fase va consistir nun llabor de preselección onde los miembros del xuráu van puntuar a caún de los concursantes que s'axusten a lo estipulao nes bases; les canciones, nun númberu non inferior a cinco, que llogren la puntuación global más alta van ser consideraes finalistes.

Na segunda fase va escoyese al ganador/a d'ente la relación de finalistes. Pa ello los finalistes tienen qu'actuar en directo defendiendo'l tema seleccionáu na Gala musical del "Premiu al Meyor Cantar" y, tres de les actuaciones, va facese públicu –nel trescurru de dicha Gala– el fallu del xuráu. Nesti sentíu, los finalistes clasificaos pa la segunda fase tienen qu'asumir la obligación d'actuar en directo na referida Gala, que se celebrará en fecha coincidente o aproximada al día 21 de febreru de cada añu (Día de la Llingua Materna). En casu de que dalgún de los finalistes seleccionaos na primer fase nun pudiera asumir esta obligación, va seleccionase al siguiente de los concursantes por orde de puntuación de mayor a menor, hasta completar el númberu de finalistes.

Octavo.—L'intérprete o grupu ganador va recibir como galardón una escultura orixinal y esclusiva d'un o una artista asturiana de prestixu reconocíu. Amás, el Gobiernu del Principáu d'Asturies va mirar pola promoción y difusión de la canción nos medios de comunicación y nos eventos organizaos o promovíos pol propiu Gobiernu.

El grupu o intérprete ganador va representar oficialmente a Asturies nel Festival européu de la Canción en Llingües Minoritaries, Liet Internacional, organizáu col apoyu del Conseyu d'Europa. Por esta participación nun va recibir cantidá nenguna en conceptu de caché, ensin perjuiciu de que, nel so casu, sía la Dirección Xeneral de Política Llingüística –o otra entidá con quien ésta algamara un acuerdu– quien pague los gastos derivaos de tresporte, agospiu y manutención.

Noveno.—Formulada pol Xuráu la correspondiente propuesta de resolución de concesión de premios, la Conseyera de Cultura y Turismu va dictar Resolución que va acabar cola vía alministrativa.

Décimo.—Ordenar la publicación d'esta Resolución nel *Boletín Oficial del Principáu d'Asturies*.

Undécimo.—Esti actu acaba cola vía alministrativa y contra'l mesmu pue interponese:

- a) Recursu potestativu de reposición ante la Ilma. Sra. Conseyera de Cultura y Turismu. El plazu pa la presentación d'esti recursu va ser d'un mes.
- b) Recursu contencioso-alministrativu ante la Sala de lo Contencioso-Alministrativu del Tribunal Superior de Xusticia del Principáu d'Asturies. El plazu pa la presentación d'esti recursu va ser de dos meses.

Estos dos recursos nun puen simultaniase y el plazu pa la so interposición va contase, n'entrambos los dos casos, dende'l día siguiente al de la publicación d'esta resolución nel Boletín Oficial del Principáu d'Asturies (conforme lo estableció nel artículu 28 de la Ley del Principáu d'Asturies 2/1995, de 13 de marzu, de Réxime Xurídicu de l'Alministración del Principáu d'Asturies; y nel artículu 116 de la Llei 30/92, de 26 de payares, de Réxime Xurídicu de les Alministraciones Públiques y del Procedimientu Alministrativu Común). Too ello ensin perjuiciu de que los interesaos puedan exercitar cualesquier otru recursu que cuiden oportunu.

Oviedo, a 27 d'avientu del 2010.—La Conseyera de Cultura y Turismu, Mercedes Álvarez González.—27.879.



Anexu I

MODELU DE SOLICITÚ DE PARTICIPACIÓN NEL "PREMIU AL MEYOR CANTAR"

| | |
|------------------------|-----------------------|
| INTÉRPRETE O GRUPO (*) | |
| NIF: | Residencia: |
| Lugar: | Códigu Postal: |
| Conceyu: | Teléfonu de contactu: |
| Fax: | E-mail: |

(*) En casu de grupos, nesti apartáu tienen que figurar los datos del representante, ensin perxuciu nengún de que tolos miembros del grupu firmen la solicitú.

SOLICITA

ser admitíu/da a la convocatoria del "Premiu Al Meyor Cantar" correspondiente al añu 2010, cola siguiente pieza

| NOME DE LA PIEZA | NOME DEL TRABAYU DISCOGRÁFICU EN QUE S'INCLUI | NOME DEL LLETRISTA |
|------------------|---|--------------------|
| | | |

En cumplimientu de lo dispuestu na Llei Orgánica 15/1999, de 13 d'avientu, de Protección de Datos de Carácter Personal, pongo nel so conocimientu que los sos datos van ser incorporaos a los ficheros automatizaos titularidá de l'Alministración del Principáu d'Asturies.

Pa conocer les normes reguladores de los correspondientes al so espediente y, nel so casu, exercitar los derechos d'accesu, rectificación, cancelación o oposición, pue dirixir pitición escrita a la Dirección Xeneral de Modernización y Sistemes d'Información de la Conseyería d'Economía y Alministración Pública, asitiada nel Edificiu Alministrativu de Servicios Múltiples, planta 6.ª sector central derechu (c/ Coronel Aranda, s/n 33005 - Uviéu).

En _____, a _____ de _____ de 2011

Fao.: _____

ILMA. SRA. CONSEYERA DE CULTURA Y TURISMU
DIRECCIÓN XENERAL DE POLÍTICA LINGÜÍSTICA
Serviciu de Política Llingüística



DOCUMENTACIÓN QUE SE PRESENTA

- Solicitú en modelu normalizáu.
- Declaraciones responsables.
- CD onde se recueya la canción escoyida pol grupu o intérprete pa concurrir al premiu.
- Currículum del solista o grupu, incluyendo relación nominal de componentes y instrumentos que toquen.
- Lletra de la canción escoyida, debidamente mecanografiada.

La presentación de la solicitú conlleva, sacántenes manifestación espresa en sentíu contrariu, l'autorización pa que la Dirección Xeneral de Política Llingüística recueya del Ente Tributariu del Principáu d'Asturies, de l'Axencia Estatal d'Alministración Tributaria y de la Tesorería Xeneral de la Seguridá Social l'estáu de les obligaciones tributaries autonómiques, estatales y frente a la Seguridá Social.

Nel supuestu de grupos, el restu de participantes autoriza a la Dirección Xeneral de Política Llingüística a recoyer la información y datos precedentes.

En _____, a _____ de _____ de 2011



Anexu II

DECLARACIONES RESPONSABLES (*)

D./D.^a _____, con NIF _____,
a efectos de la so participación nel "Premiu al meyor cantar 2010".

DECLARA

Que nun ta incursu/a nes prohibiciones pa llograr la condición de beneficiariu señalaes nos apartaos 2 y 3 del artículu 13 de la Llei 38/2003, de 17 de payares, Xeneral de Subvenciones.

Que xustificó en tiempu y forma les subvenciones concedíes n'años anteriores pola Consejería de Cultura y Turismu.

Que cumplió les obligaciones derivaes d'ayudes y subvenciones concedíes con anterioridá por cualesquier de los órganos de l'Alministración del Principáu d'Asturies.

Que nun incumple lo previsto de manera espresa na convocatoria no que se refer a compatibilidá d'estos premios con otres ayudes.

(*) Nel supuestu de grupos, la presente declaración responsable va ser entregada por caún de los miembros del grupu.

En _____, a _____ de _____ de 2011

Fao.: _____
ILMA. SRA. CONSEYERA DE CULTURA Y TURISMU
DIRECCIÓN XENERAL DE POLÍTICA LLINGÜÍSTICA.
Serviciu de Política Llingüística